

132, qual fo davanti la Signoria, vol menar uno no-
bele, fo di sier Antonio Badoer, al qual fo conces-
so; è dito di armar X galie etc. *Item*, aldito li Boldù
per la galia venduta a sier Giacomo Michiel, di sier
Biaxio, per ducati 1110, qual val ducati 3000.

Vene uno orator nuovo di Faenza, nominato do-
mino insieme col vechio stava qui; et disse
il suo signor dubitava dil stato; dimanda la conduta
nova, come vol la Signoria, a la qual el suo signor
si ricomanda. Et il principe li rispose bone parole,
et si vederia.

Et poi sier Zuam Morexini, el consier, si levò
davanti el principe, dolendosi sier Antonio Trun,
consier, vol metter parte a l'incontro di ogni parte
si mette in gran conseio, di levar le vose di la ban-
cha; e mostrò la leze, che quatro consieri pol met-
ter parte in gran conseio, et non uno. E a l'incon-
tro parlò esso sier Antonio Trun, dicendo poter met-
ter. E sier Lucha Zen, consier, disse teniva potesse
metter.

Fo ballotà ducati 150, da esser dati a Nicolò Da-
cha, da Modon, per tanti vini à dato a li rectori
di Modon. E fu preso.

Di Charavazo, di sier Zuan Antonio Dandolo, provedador, di 18. Come uno medico li, stato a Trento a medichar missier Hironimo da Carehano, zenero di missier Jacomo Secho, li à ditto molte cosse: zoè, parti di Trento a di 16 avosto, e par la rezina lo voria per medico, e anderà con licentia di la Signoria per uno anno, e aviserà di novo. *Item*, dipone molte nove di la dieta expedita; esser stà electi 20 homeni al governo; mandano tre oratori al roy, il ducha di Saxonìa, lo episcopo di Maganza, e uno altro, con 500 cavali, tra i qual è 300 dil ducha, vestiti di rosso, et 100 per uno li altri. Li dimanda il signor Lodovico, el cardinal Ascanio, e il duchato de Milan e lochi el tien dil ducha di Bergogna, *aliter* li protesta *bellum*; e ancora non sono partiti, perchè il ducha vol si zuri quelli di la dieta di observar la imbasata. Et che li oratori de' milanesi foraussiti fonno dal re, feno una oration, di la qual lui ha la copia; et li fo risposto per nome dil re, stesseno di bona voia; et quello li rispose fo uno episcopo. *Item*, la raina è andata a Viena; e Yspureh è li fioli dil signor Lodovico, a li qual il re li dà fiorini X milia a l'anno, e a li milanesi fiorini mille, zoè 32 per uno a l'anno, fino ritornino. È fato capetanio il ducha Alberto di Baviera, e sarà al governo di Milam, e di fioli dil signor Lodovico. Si dice il marchexe di Mantoa è capetanio di le zente ytaliane. *Item*, a presso il re è oratori dil re, e quel

di Napoli; il re arà 16 milia cavali et 22 milia fanti, et ne resta 20 milia a custodia di le terre franche; sarano hongari e boemi, e sono pagati di le terre per quatro anni, et à visto letere dil re, scrive a Tyrol, fazi la description di le zente, e chi non à arme vadi a tuorle a Augusta. *Item*, era oratori de cinque cantoni de' sguizari, e dicono Belinzona il roy la vol, e li voleno dar scudi XV milia se la rendino. *Item*, è stà parole tra il cardinal San Severin e ruberteschi, e milanesi erano in do parte, zoè li Crivelli da una parte. El qual cardinal parti de li, et è venuto a Mantoa, a uno castello fo dil signor Zuam Francesco di Gonzaga, e Antonio Maria è a presso il re col morbo gallico, et Galeazo vi va, et *etiam* Frachasso si aspetta. Et fo terminato per colegio, rescriverli per il conseio di X, dagi licentia vadi el dito medico, con questo, tengi avisato la Signoria nostra di le nove.

Di Cremona, di provedadori. In risposta de li ducati 100 di pension a quel di Berna su Santa Marta di Castel Lion. Li farà dar.

Di Bergamo, di sier Stefano Contarini e sier Francesco Baxadona, rectori, di 18. Come à letere dil commissario di Caprino, et una dil consolo e homeni di Calezo, di 18, come erano zonti li do francesi, che erano commissarij a Mandelo, fuziti per dubito di todeschi. Et li dimandò si erano sicuri de li; et dicono vien 500 todeschi per tuor il navillio, et hanno mandato uno messo a Lecho a saper il certo. À poche arme etc. Et una letera di Zuan Piero, commissario di Caprino, di 18, come li todeschi vien in gran forzo contra Milam etc.

Di Padoa. Cercha il rotolo fato, è cassati tre lectori, vol la confirmation; et di do oratori francesi sono li; et risponde di uno doctor di Sabaudia, qual à 'uto una lectura.

Fo ordinato far mandato a li patroni di le galie grosse, scuodeno li soi terzi di dacij per rata; con questo, mandi 100 ducati per uno a le lthoro galie in armada.

Da poi disnar, fo conseio di X, et colegio si reduse. Fo expedito l' orator di Sonzim, vadi via; et verà sier Antonio Condolmer de li, et per lui intenderà il tutto.

Da Ferrara, dil vicedomino, di 22. Come non è nove poi il partìr dil campo francese; *solum* la Mirandola dubitava, et il signor à promesso per il signor Zuan Francesco da la Mirandola ducati 7000, qual non li ha da pagar; et il cardinal Vincula è a Noventula, sul modenese; il signor l' à mandà a invidar, vengi li.